

Ustavno povjerenstvo/Ustavna komisija

Уставна комисија

Broj: 01/1-02-706/23-1
Sarajevo, 16.02.2023.godine



**PREDSTAVNIČKOM DOMU
PARLAMENTA FEDERACIJE BIH**

Ustavna komisija Predstavničkog doma Parlamenta Federacije je 16.02.2023.godine održala 1. sjednicu na kojoj je, nakon konstituisanja, razmatran sljedeći dnevni red:

1. Razmatranje procedure izbora predsjednika i dva potpredsjednika Federacije Bosne i Hercegovine, u skladu sa Amandmanima na Ustav Federacije Bosne i Hercegovine.

U skladu sa čl. 44. i 57. Poslovnika Predstavničkog doma Parlamenta Federacije BiH, Ustavna komisija Domu podnosi sljedeći:

IZVJEŠTAJ

Ad 1.

Ustavna komisija je razmatrala Amandmane na Ustav Federacije Bosne i Hercegovine, koje je donio Visoki predstavnik za Bosnu i Hercegovinu svojom Odlukom kojom se donose amandmani na Ustav Federacije Bosne i Hercegovine, dana 2.10.2022.godine, a koji su objavljeni u „Službenim novinama Federacije BiH“, broj: 79/22, dana 5.10.2022.godine. Amandmanima je propisana procedura izbora predsjednika i dva potpredsjednika Federacije BiH. Također je razmatrana i Odluka kojom se donosi Zakon o izmjenama i dopunama Izbornog zakona Bosne i Hercegovine, koju je donio Visoki predstavnik dana 2.10.2022. godine, a koja je objavljena u „Službenom glasniku BiH“, broj 67/22.

Članovi Ustavne komisije su upoznati sa kandidatima za predsjednika i dva potpredsjednika Federacije BiH, kao i procedurom koju su proveli Centralna izborna komisija Bosne i Hercegovine, Dom naroda i Predstavnički dom Parlamenta Federacije Bosne i Hercegovine, a koja se odnosila na ovjere i potvrđivanja ovjera kandidata za predsjednika i potpredsjednike Federacije BiH kako pojedinačno, a

tako i Liste od tri kandidata za predsjednika i potpredsjednika Federacije Bosne i Hercegovine.

Ustavna komisija je nakon rasprave o ovoj tački dnevnog reda i izjašnjavanja jednoglasno utvrdila slijedeći tekst zaključka :

ZAKLJUČAK

Ustavna komisija smatra da su ispunjeni svi uvjeti propisani Ustavom Federacije Bosne i Hercegovine i Amandmanima na Ustav Federacije Bosne i Hercegovine za izbor predsjednika i dva potpredsjednika Federacije Bosne i Hercegovine, kao i Izbornim zakonom Bosne i Hercegovine.

U skladu sa članom 53. Poslovnika, za izvjestitelja je određen dr.Mladen Bošković, predsjednik Ustavne komisije.

PREDSJEDNIK KOMISIJE


Dr.Mladen Bošković